

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA KUMI NA SABA

KIKAO CHA SITA

12 NOVEMBA, 2019



ORODHA YA SHUGHULI ZA LEO

MKUTANO WA KUMI NA SABA

KIKAO CHA SITA – TAREHE 12 NOVEMBA, 2019

I. DUA:

II. HATI ZA KUWASILISHA MEZANI:

WAZIRI MKUU:

Taarifa ya Matoleo ya Gazeti la Serikali pamoja na Nyongeza zake yaliyochapishwa tangu Mkutano wa Bunge uliopita kama ifuatavyo:-

- (a) Toleo Na. 36 la tarehe 06 Septemba, 2019;
- (b) Toleo Na. 38 la tarehe 13 Septemba, 2019;
- (c) Toleo Na. 39 la tarehe 20 Septemba, 2019;
- (d) Toleo Na. 40 la tarehe 27 Septemba, 2019;
- (e) Toleo Na. 41 la tarehe 4 Oktoba, 2019;
- (f) Toleo Na. 42 la tarehe 11 Oktoba, 2019;
- (g) Toleo Na. 43 la tarehe 18 Oktoba, 2019;
- (h) Toleo Na. 44 la tarehe 25 Oktoba, 2019;
- (i) Toleo Na. 45 la tarehe 1 Novemba, 2019.

MWANASHERIA MKUU WA SERIKALI:

Maelezo ya Mwanasheria Mkuu wa Serikali kuhusu Muswada wa Sheria ya Marekebisho ya Sheria Mbalimbali (Na.7) wa Mwaka 2019 [*The Written*

Laws (Miscellaneous Amendments) (No.7) Bill, 2019].

MWENYEKITI WA KAMATI YA KATIBA NA SHERIA:

Maoni ya Kamati ya Kudumu ya Bunge ya Katiba na Sheria kuhusu Muswada wa Sheria ya Marekebisho ya Sheria Mbalimbali (Na.7) wa Mwaka 2019 [*The Written Laws (Miscellaneous Amendments) (No.7) Bill, 2019*].

MSEMAJI MKUU WA KAMBI RASMI YA UPINZANI JUU YA WIZARA YA KATIBA NA SHERIA:

Maoni ya Kambi Rasmi ya Upinzani juu ya Muswada wa Sheria ya Marekebisho ya Sheria Mbalimbali (Na.7) wa Mwaka 2019 [*The Written Laws (Miscellaneous Amendments) (No.7) Bill, 2019*].

III. MASWALI:

OFISI YA WAZIRI MKUU:

71. MHESHIMIWA ZAINAB NUHU MWAMWINDI (VITI MAALUM):

Atamuuliza Mheshimiwa Waziri Mkuu:- Ubunifu wa kupata ajira ni miongoni mwa changamoto kubwa kwa Vijana hapa nchini:-

Je, ni lini Serikali itabuni na kusimamia mkakati wa kuwajengea uwezo wa kujiajiri Vijana kuanzia Shule ya Msingi.

OFISI YA RAIS (TAMISEMI):

72. MHESHIMIWA JEROME DISMAS BWANAUSI (LULINDI):

Atamuuliza Mheshimiwa Waziri wa Nchi, Ofisi ya Rais (TAMISEMI):- Wananchi wa Mipande – Mtengala na Mwitika Maparawe wanakabiliwa na changamoto ya ukosefu wa madaraja na Rais wa Awamu ya Tano aliwaahidi Wananchi hao kuwajengea madaraja:-

Je, ni lini ahadi hiyo ya Mhe. Rais itatekelezwa.

73. MHESHIMIWA MARY DEO MURO (VITI MAALUM):

Atamuuliza Mheshimiwa Waziri wa Nchi, Ofisi ya Rais (TAMISEMI):- Viwanja vya Mwanalugali Mjini Kibaha vimeshindwa kupimwa kutokana na mgogoro uliopo kwa wenye ardhi hiyo kutolipwa fidia wakati wa upimaji mwaka 2000:-

Je, Serikali inatoa msaada gani kwa Wananchi hao ambao wameshindwa kuendeleza maeneo yao na kuwasababishia umaskini mkubwa.

WIZARA YA UJENZI, UCHUKUZI NA MAWASILIANO:

74. MHESHIMIWA OMAR ABDALLAH KIGODA (HANDENI):

Atamuuliza Mheshimiwa Waziri wa Ujenzi, Uchukuzi na Mawasiliano:- Barabara ya Handeni – Mziha ni barabara ya mkakati na ipo kwenye Ilani ya Chama cha Mapinduzi:-

Je, ni lini Serikali itamalizia kipande kilichobaki kutoka Handeni mpaka Mziha.

WIZARA YA MAMBO YA NJE NA USHIRIKIANO WA AFRIKA MASHARIKI:

75. MHESHIMIWA ALLY SALEH ALLY (MALINDI):

Atamuuliza Mheshimiwa Waziri wa Mambo ya Nje na Ushirikiano wa Afrika Mashariki:- Moja ya misingi mikuu ya Jumuiya ya Afrika Mashariki ni utawala bora, haki za binadamu na demokrasia sambamba na kukuza uchumi wa nchi sita Wanachama:-

- (a) Je, hilo linatimizwa kwa kiasi gani ndani ya Jumuiya na Wanachama;
- (b) Je, kuna mfumo gani wa kukosoana ndani ya Jumuiya katika eneo hilo.

WIZARA YA KILIMO:

76. MHESHIMIWA INNOCENT SEBBA BILAKWATE (KYERWA):

Atamuuliza Mheshimiwa Waziri wa Kilimo:-
Kahawa ni miongoni mwa Zao la Mkakati na
Biashara lakini bei ya Zao hilo imekuwa ya
kusuasua:-

Je, nini mkakati wa Serikali kuhakikisha Zao hilo
linaongeza kipato cha Taifa kwa ujumla.

77. MHESHIMIWA LUCIA MICHAEL MLOWE (VITI MAALUM):

Atamuuliza Mheshimiwa Waziri wa Kilimo:-
Njombe ni kati ya Mikoa mikubwa ya Kilimo na
ina mashamba darasa ambapo wanafunzi wa
maeneo mengine wanakuja kujifunza:-

Je, ni lini Serikali itaanzisha Chuo cha Kilimo
katika Mkoa wa Njombe.

WIZARA YA MAMBO YA NDANI YA NCHI:

78. MHESHIMIWA HASNA SUDI MWILIMA (KIGOMA KUSINI):

Atamuuliza Mheshimiwa Waziri wa Mambo ya
Ndani ya Nchi:- Wilaya ya Uvinza imeanzishwa
tangu mwaka 2002 lakini hadi sasa Jeshi la

Polisi katika Wilaya hii halina nyumba za kuishi, Ofisi pamoja na vitendea kazi:-

Je, Serikali ina mpango gani wa kuwawezesha vitendea kazi Jeshi la Polisi katika Wilaya hiyo kama vile magari, Ofisi pamoja na makazi.

WIZARA YA MAJI:

79. MHESHIMIWA DKT. HADJI HUSSEIN MPONDA (MALINYI):

Atamuuliza Mheshimiwa Waziri wa Maji:- Mradi wa maji unaotekelezwa chini ya Programu ya WSDP katika Vijiji vya Malinyi, Kipingo na Makerere unasuasua sana toka mwaka 2015 hadi sasa mradi huo haujakamilika:-

(a) Je, ni lini mradi huo utakamilishwa ili kuwawezesha wakazi wapatao 18,000 wa Vijiji hivyo kupata maji safi na salama;

(b) Je, Serikali ina mpango gani wa kuwapelekea maji wakazi wa Vijiji vya Miembeni, Mchangani na Msegese Kata ya Malinyi.

80. MHESHIMIWA ZAINAB ATHUMAN KATIMBA (VITI MAALUM):

Atamuuliza Mheshimiwa Waziri wa Maji:-

Je, ni kwa kiasi gani Serikali imeweka mikakati ya kuhamasisha uvunaji wa maji ya mvua ili kupunguza tatizo la upatikanaji wa maji safi na salama kwa Wananchi hasa ikizingatiwa kuwa Tanzania kijiografia ipo katika ukanda wenye mvua za kutosha.

WIZARA YA AFYA, MAENDELEO YA JAMII, JINSIA, WAZEE NA WATOTO:

81. MHESHIMIWA ZUBEDA HASSAN SAKURU (VITI MAALUM):

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:-

Je, Serikali ina mkakati gani wa kuwawezesha Wakunga wa Jadi ili kupunguza vifo vya Mama na Mtoto hasa maeneo ya Vijijini.

82. MHESHIMIWA MAIDA HAMAD ABDALLAH (VITI MAALUM):

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Sheria ya NHIF inamtambua Mtumishi wa Umma ambaye amechangia kwa miaka 10 pale anapostaafu kuwa atahudumiwa na Mfuko yeye na mwenza wake hadi mwisho wa maisha yao:-


Je, kwa nini Serikali isiweke utaratibu kama huo kwa Viongozi wa Umma.

WIZARA YA FEDHA NA MIPANGO:

83. MHESHIMIWA MATTAR ALI SALIM (SHAURI MOYO):

Miongoni mwa kero za Muungano ni wananchi wa Zanzibar waletapo magari yao Tanzania Bara kutoruhusiwa kutembea mpaka yabadilishwe namba, wakati magari yanayotoka Bara yafikapo Zanzibar yanaruhusiwa kutembea kwa muda wote bila ya bughudha yoyote:-

- (a) Je, Serikali inalifahamu suala hili;
- (b) Kama ndiyo, Je, Serikali ina mpango gani madhubuti wa kutatua suala hili ili Watanzania waendeleo kufaidi matunda ya Muungano.



84. MHESHIMIWA EMMANUEL ADAMSON MWAKASAKA (TABORA MJINI):

Atamuuliza Mheshimiwa Waziri wa Fedha na Mipango:- Kumekuwa na malalamiko ya muda mrefu ya madeni mbalimbali ya Wazabuni wanaoidai Serikali:-

Je, Serikali imefikia hatua zipi katika kuhakikisha inalipa madeni ya Wazabuni nchini.

IV. MISWADA YA SHERIA YA SERIKALI:

*(Kusomwa Mara ya Pili, Kamati ya Bunge Zima
na Kusomwa Mara ya Tatu)*

Muswada wa Sheria ya Marekebisho ya Sheria Mbalimbali (Na.7) wa Mwaka 2019 [*The Written Laws (Miscellaneous Amendments) (No.7) Bill, 2019*].



**DODOMA
12 NOVEMBA, 2019**

**S. KAGAIGAI
KATIBU WA BUNGE**